



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), članova 13 i 15 Zakona o vlasništvu i drugim stvarnim pravima (Službeni glasnik Brčko distrikta BiH, brojevi: 11/01, 8/03, 40/04 i 19/07), člana 4 Zakona o prometu nepokretnosti (Službeni list SRBiH, brojevi: 38/78, 4/89, 29/90 i 22/91), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 54/18 – prečišćeni tekst i brojevi 17/20 i 24/20) i Prijedloga odluke Vlade Brčko distrikta BiH, broj: 02-000204/20, broj akta: 01.11-1161DS-001/20 od 17. 7. 2020. godine, Skupština Brčko distrikta BiH na 67. redovnoj sjednici održanoj 23. septembra 2020. godine, donosi

O D L U K U

O PROMJENI NAMJENE JAVNOG DOBRA

Član 1

- (1) Utvrđuje se da nekretnina označena kao k.č. broj 805/2, upisana u zemljišnoknjižni uložak broj 212 Registra zemljišta za k.o. Stanovi, kao „nema podataka – Lokalni put“, površine 518 m², sa statusom dobra u općoj upotrebi – putevi, ne služi općoj upotrebi.
- (2) Vršiti se promjena statusa nekretnine te se u skladu s njenom namjenom određenom prostorno-planskom dokumentacijom istom može raspolagati na način propisan zakonom.

Član 2

U zemljišnim knjigama Osnovnog suda Brčko distrikta BiH izvršiti će se brisanje oznake statusa „Dobro u općoj upotrebi – putevi“, te će se na nekretnini u odgovarajućem zemljišnoknjižnom ulošku upisati u vlasništvo Brčko distrikt BiH sa udjelom 1/1.

Član 3

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02- 1020/20
Brčko, 23. 9. 2020. godine

PREDSJEDNIK
SKUPŠTINE BRČKO DISTRIKTA BiH
Esed Kadrić

Dostavljeno:

1. Predsjedniku
2. Dopredsjedniku
3. Gradonačelniku
4. Uredu za upravljanje javnom imovinom (2x)
5. Odjelu za prostorno planiranje i imovinskopravne poslove
6. Sektoru za opće poslove i strateško planiranje
7. Arhivi